



CONVENIO ENTRE A XUNTA DE GALICIA A TRAVÉS DA CONSELLERÍA DO MAR E A FEDERACIÓN GALEGA POLA CULTURA MARÍTIMA E FLUVIAL (FGCMF) POLO QUE SE DE REGULAN AS CONDICIÓN NAS QUE SE LLE CONCEDE UNHA SUBVENCIÓN PREVISTA NOMINATIVAMENTE NA VIXENTE LEI DE ORZAMENTOS DA NOSA COMUNIDADE AUTÓNOMA PARA A REALIZACIÓN, DURANTE O ANO 2017, DE ACTIVIDADES DE DINAMIZACIÓN DAS EMBARCACIÓNS PATRIMONIAIS E O XIII ENCONTRO DE EMBARCACIÓNS TRADICIONAIS DE GALICIA.

En Santiago de Compostela, a

17 XUN. 2017

REUNIDOS

Dunha parte, D^a. Rosa M^a Quintana Carballo como conselleira do Mar, actuando en nome e representación da Xunta de Galicia, ó abeiro das facultades que lle concede o artigo 34 da lei de normas reguladoras da Xunta e da súa presidencia (Lei 1/83, do 22 de febreiro).

Doutra D. Manuel García Sendón, como Presidente da Federación Galega pola Cultura Marítima e Fluvial (FGCMF), e en representación da mesma, conforme as facultades recollidas no artigo 18 dos seus estatutos.

Interveñen en función dos seus respectivos cargos e no exercicio das facultades que, para convir en nome das Entidades que representan, teñen conferidas.

DECLARAN

Que a Xunta de Galicia ten atribuídas funcións en materia de pesca, marisqueo e acuicultura e de investigación mariña, de acordo co establecido no artigo 27.15 do Estatuto de Autonomía, consonte co estipulado no artigo 148.1.17 da Constitución española. Dentro dese ámbito competencial, a Consellería do Mar vén desenvolvendo entre outras unha serie de actuacións encamiñadas á diversificación das comunidades pesqueiras do litoral, sendo prioritarias nos últimos anos aquelas orientadas ao fomento das actividades de culturais e patrimoniais vinculadas ao turismo e ao lecer.

Que a Federación Galega pola Cultura Marítima e Fluvial (FGCMF) é unha entidade asociativa sen animo de lucro, de carácter público, que ten como fins fundamentais a conservación, estudo e investigación e dinamización da cultura marítima de Galicia, en especial das embarcacións patrimoniais, así como a difusión destes coñecementos entre o sector pesqueiro e a sociedade galega en xeral.

Que dentro das accións en realización atopase a de dinamización das embarcacións patrimoniais promovida a través dos Encontros de embarcacións tradicionais de Galicia, das publicacións de boletíns informativos, do mantemento dun portal web sobre as mesmas e outras propias do día a día da entidade.

Que estas actividades contribúen de maneira importante a creación de produtos e actividades





de uso turístico vinculados ao mar, que se encadran dentro das actuacións de diversificación promovidas pola consellería.

Que no estado de gastos da Lei de orzamentos deste exercicio figura unha subvención nominativa á Federación Galega pola Cultura Marítima e Fluvial (FGCMF), por importe de 46.576,00 €, (proxecto 2015 00595), que ten por obxecto contribuír ao financiamento das actividades da entidade no ámbito que lle é propio.

Que polo exposto, e tendo en conta o establecido no artigo 26 da Lei 9/2007 de subvencións de Galicia e o 36 a) do Regulamento desta Lei, procede establecer un acordo de colaboración entre ámbalas dúas entidades para a súa realización.

En consecuencia, ámbalas dúas entidades acordan establece-lo presente convenio de colaboración, segundo as seguintes

CLÁUSULAS

PRIMEIRA.- Obxecto

O presente convenio ten por obxecto regular a subvención económica concedida pola Consellería do Mar (en diante a Consellería) á Federación Galega pola Cultura Marítima e Fluvial (FGCMF), para o financiamento do desenvolvemento de actividades de dinamización das embarcacións patrimoniais no ano 2017 e a organización do XIII Encontro de Embarcacións Tradicionais de Galicia en Combarro (Poio), consonte ao establecido no presente convenio.

SEGUNDA.- Finalidade da subvención.

A realización das actividades propias da dinamización das embarcacións patrimoniais e da organización do XIII Encontro de Embarcacións Tradicionais de Galicia en Combarro (Poio), que se enumeran:

1.- Actividades de dinamización e funcionamento

Actividades de funcionamento da propia Federación en canto contribúe a dinamización das embarcacións patrimoniais.

Mantemento e actualización da páxina web da Federación.

Edición dos boletíns informativos e calquera outro gasto de difusión sobre as actividades.

Asistencia a reunións, seminarios, congresos, feiras e outros que teñan como obxecto a promoción e conservación das embarcacións tradicionais.

2- Actividades de dinamización sobre as embarcacións tradicionais e o patrimonio marítimo conexo, tales como a organización e realización de exposicións, charlas, estudos sobre as embarcacións e o patrimonio marítimo, publicacións, cursos e seminarios, actividades de navegación, encontros de embarcacións, compra de equipamento para oficina e actividades de divulgación e calquera outra que teña como obxectivo dar a coñecer e promover a posta en valor do patrimonio ligado ao mar e as embarcacións tradicionais.



culturmar

Federación Galega pola Cultura
Marítima e Fluvial

Tel: 986.231.557





3. Actividades de organización do XIII Encontro de Embarcacións Tradicionais de Galicia en Combarro (Poio).

TERCEIRA.- Gastos elixibles

Os gastos imputables son aqueles realizados polos FGCMF no desenvolvemento das actividades obxecto do convenio tales como os do persoal, gastos de desprazamento deste persoal, gastos de material consumible de oficina, da contratación externa de realización de actividades, a compra de equipos e materiais e outros que teñan vinculación directa co obxecto fixado na cláusula segunda, realizados durante o ano 2017 cos límites de importe máximo de 6.576,00 € para aqueles de funcionamento e de 40.000,00 € para aqueles de investimento e servizos.

No caso dos gastos de persoal o gasto imputable á contratación de persoal non poderá exceder do importe do salario fixado no convenio colectivo de aplicación á entidade. No caso dos gastos de desprazamento do persoal os custes terán o seu límite nas contías que para estas indemnización se establecen ao persoal con destino na Administración Autonómica de Galicia para o grupo 2º no Decreto 144/2001, de 7 de xuño, sobre indemnizacións por razón de servizo ao persoal con destino na Administración autonómica de Galicia, modificado polo Decreto 96/2011, de 5 de maio.

CUARTA.- Importe e contía da subvención.

A Consellería do Mar achegará un importe máximo de CORENTA E SEIS MIL CINCOCENTOS SETENTA E SEIS EUROS (46.576,00 euros) que se financiarán por importe de 6.576,00 € con cargo á partida orzamentaria 14.03.722A.481.6 (proxecto 2015 00 595) e por importe de 40.000,00 € con cargo á partida orzamentaria 14.03.722A.781.6 (proxecto 2015 00 595) do orzamento en vigor para 2017.

Será condición necesaria para a sinatura do presente convenio que as retribucións do persoal da Federación estean adaptadas ao disposto no Decreto 119/2012, do 3 de maio, polo que se regulan as retribucións e percepcións económicas aplicables aos órganos de goberno ou dirección e ao persoal directivo das entidades do sector público autonómico. Requisito que será acreditado mediante certificación do secretario da federación xunto coa debida xustificación documental que proceda.

QUINTA.- Concorrenza de subvencións

O importe das subvencións percibidas para este proxecto non poderá en ningún caso ser de tal contía que, illada ou en concorrencia con subvencións ou axudas doutras administracións públicas ou doutros entes públicos ou privados supere o custo da actividade que vai desenvolver o beneficiario. Ao efecto de poder comprobar tal extremo nas xustificacións de pagamento debe presentarse declaración das axudas solicitadas e concedidas coa mesma finalidade.

SEXTA.- Obrigas do beneficiario.





A FEDERACIÓN GALEGA POLA CULTURA MARÍTIMA E FLUVIAL (FGCMF) comprométese a:

- Dedicar integramente o importe desta axuda á realización das actividades propias da dinamización das embarcacións patrimoniais de Galicia e da organización do XIII Encontro de Embarcacións Tradicionais de Galicia en Combarro (Poio).
- Ao seguimento conxunto coa consellería do desenvolvemento das accións anteriormente descritas.
- A poñer en coñecemento da consellería calquera incidencia que afecte á realización ou desenvolvemento posterior das accións efectuadas, proporcionándolle toda canta información que sobre as accións obxecto deste convenio lle sexa requirida.
- No caso de que o beneficiario subcontrate con terceiros a execución total ou parcial das actividades mencionadas, a cumprir o disposto polo artigo 27 da Lei 9/2007 do 13 de xuño, de Subvencións de Galicia.
- A prestar colaboración e facilitar canta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma e ó Consello de Contas.

Ademais son obrigas do beneficiario todas as establecidas polo artigo 11 da Lei de Subvencións de Galicia.

O beneficiario da axuda consente expresamente a inclusión dos datos relevantes desta subvención nos rexistros públicos que proceda, de acordo co artigo 16 da Lei de Subvencións de Galicia

A concesión da subvención implica a autorización, á Dirección Xeral de Desenvolvemento Pesqueiro da Consellería do Mar, para solicitar as certificacións acreditativas de que se atopa ao corrente das obrigas tributarias estatais e autonómica e da seguridade social, así como que non ten pendente de pagamento ningunha outra débeda, por ningún concepto coa Administración pública da Comunidade Autónoma de Galicia, nos termos establecidos polo artigo 20-3º, parágrafo terceiro, da Lei 9/2007 do 13 de xuño, de Subvencións de Galicia.

SÉTIMA.- Forma de pagamento e xustificación da subvención

A Consellería do Mar, ao abeiro do establecido nos artigos 62, 63-1 Un e 65.4.f) do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, efectuará o libramento da axuda ao ritmo de execución e xustificación do gasto e en todo caso antes do 30 de novembro de 2017, mediante a presentación da seguinte documentación:

Xustificantes de gasto (facturas ou equivalentes) e documentación xustificante do seu pagamento.

Documentación acreditativa do cumprimento do resto dos requisitos establecidos

Declaración, expedida polo órgano competente da entidade, de cada gasto realizado, indicando que teñen relación co obxecto do convenio.





Declaración das actividades realizadas.

Declaración responsable, expedida polo órgano competente, comprensiva das outras axudas percibidas ou solicitadas para este proxecto, na que se indique entidade concédente, data e importe total concedido.

Para a materialización dos referidos libramentos será necesaria a emisión de certificación favorable por parte da Dirección xeral de Desenvolvemento Pesqueiro da Consellería do Mar.

De acordo co artigo 29.2 da Lei de Subvencións de Galicia considerarase gasto realizado o que foi efectivamente pagado con anterioridade á finalización do período de xustificación determinado pola normativa reguladora da subvención.

OITAVA.- Reintegro da subvención.

Procederá o reintegro parcial ou total da subvención nos casos previstos polo artigo 33 da Lei de Subvencións de Galicia, e a través do procedemento establecido polo artigo 37 e seguintes da mesma Lei.

NOVENA.- Normativa de referencia.

Todas as actuacións de xestión das actividades do obxecto deste convenio, estarán suxeitas á normativa vixente en materia de axudas e subvencións constituída pola Lei 9/2007 de 13 de xuño de 2007 de subvencións de Galicia e polo seu Regulamento aprobado polo Decreto 11/2009, de 8 de xaneiro e por calquera outra de aplicación.

DÉCIMA.- Información e publicidade

En tódalas actividades de carácter público que se realicen en relación co obxecto deste convenio, figurará, o apoio da Consellería da maneira que resulte máis procedente mediante mención escrita ou a inserción da imaxe corporativa.

DÉCIMO PRIMEIRA.- Comisión de seguimento

O seguimento e control do establecido no presente convenio realizarase por unha comisión de seguimento formada pola Directora Xeral de Desenvolvemento Pesqueiro ou persoa en quen delegue e a Xefa de Servizo de Desenvolvemento Pesqueiro, e o Presidente ou persoa en quen delegue e o Secretario, ámbolos dous da FGCMF.

DÉCIMO SEGUNDA.- Resolución de controversias

En caso de controversia sobre a interpretación e aplicación das cláusulas deste convenio, estas resolveranse por pola comisión prevista na cláusula anterior.

No caso de que subsista o desacordo, dita cuestión controvertida someterase ao coñecemento da Xurisdición Contencioso Administrativo do Tribunal Superior de Xustiza de Galicia

DÉCIMO TERCEIRA.- Autorización para a publicación dos datos dos asinantes no Portal de Transparencia.

Consonte ao establecido nos artigos 12 a 16 da Lei 19/2013, de 9 de decembro, de transparencia, acceso á información pública e bo goberno, en concordancia cos artigos 24 e 25 da Lei 1/2016, do 18 de xaneiro, de transparencia e bo goberno, os asinantes outorgan o seu



XUNTA DE GALICIA

CONSELLERÍA DO MAR

galicia

consentimento para que os datos persoais que constan no convenio e mais no resto das especificacións contidas no mesmo poidan ser publicadas no Portal de Transparencia e Goberno Aberto.

Así mesmo, en virtude do disposto no artigo 4 da antedita Lei 1/2016, as persoas físicas e xurídicas beneficiarias de subvencións, atoparanse obrigadas a subministrarlle á Administración, previo requirimento, toda a información necesaria para o cumprimento, por aquela, das obrigas previstas no Título I da citada Lei.

DÉCIMO CUARTA.- Vixencia e efectos

O presente convenio entrara en vigor o día seguinte o da súa sinatura.

A duración do presente convenio alcanza ata o trinta de decembro de dous mil dezasete, sen posibilidade de prórroga.

POLA CONSELLERÍA DO MAR

POLA FEDERACIÓN GALEGA POLA
CULTURA MARÍTIMA E FLUVIAL

A Conselleira do Mar



A CONSELLEIRA
P.D. Orde 30-03-12 (D.O.G. 12-04-12)
D.A. 9º Decreto 177/2016, do 15 de decembro
A DIRECTORA XERAL DE DESENVOLVEMENTO PESQUEIRO

Asdo.: Susana Rodríguez Carballo

Rosa María Quintana Carballo

O presidente da Federación Galega pola
Cultura Marítima e Fluvial



culturmar
Federación Galega pola Cultura
Marítima e Fluvial
CIF: G-36.231.561

Manuel García Sendón

